

438

FISERI DIPATMEN

OCE

438


Port-Vila
Vanuatu

ORSTOM

Institut Français de Recherche Scientifique pour le Développement
en Coopération



**FISERI NIUS LETA:
WANEM NAO HEMI LOA.**



NAMBA SEVEN
NOVEMBA 1990.

**BIBLIO
ORSTOM**

Fonds Documentaire ORSTOM

010017526

Fonds Documentaire
Cote: 017526 Ex. 1

VANUATU

WANEM NAO HEMI LOA?

I LOA

LOA: Loa emi rul we Goveman i putum sam paua blong sapotem ol rul ia, mo mekem se rul ia i stap oltaem blong controlem wan wan man long wan sosaei.

Taem yumi tingting bak long ol hom or ealan blong yumi, ol olfala oli putum samfala ruls i stap long wan wan hom blong yumi, hemi blong controlem ol Pikinini mo soem stret fasen long wan wan Pikinini long hom. Hemi semak tu long olgeta schools blong yumi, school i mas gat ruls blong ol Pikinini oli folem.

Long Vanuatu i kat LOA blong hem tu, we PALEMAN i bin pasem long 1983. Olgeta LOA ia i stap blong protektem ol protak long Solwota blong yumi mo blong mekem tu se ol protak ia ino save finis mo bae i stap oltaem long solwota long plante yea i kam.

Olgeta LOA blong Solwata olsem Marine Products Goveman i putum long hand blong Fiseris Dipatman blong enforsem long General Publik. Stat long 1983 i kam Dipatman blong Fiseri i putum ol man we oli brekem loa i ko long han blong Police long oli til wetem. Long 1989 kam kasesem Tedei Fiseris Dipatman ikat ful right blong tekem man i ko stret long Court from brekem ol Loa ia we i stap long, LAWS OF THE REPUBLIC OF VANUATU, Revised Edition 1988, Cap 158 Part 4 Section 13-24 we i tokabautem LOA BLONG FISERIS PRODUCTS.

LONG PART 4 YET FISERIS I CONTROLEM TU MESIAMEN

NAURA	-	22 Sentimeta, Flat Naura 15 Sentimeta
COCONAT CRAB	-	9 Sentimeta
GRIN SNEL	-	15 Sentimeta
TROKA SEL	-	9 Sentimeta
PUPU SEL	-	20 Sentimeta
COREL	-	No mas exportem eni Coral without permission blong Minister blong Fiseri.
FIS	-	No mas exportem eni Fis without permission blong Minister blong Fiseri.
TOTEL	-	No mas salem sel, No spolem egg, No kipim, No tekem eni egg.
BECHE-DE-MER	-	No export without permission blong Minister blong Fiseri.

Stat long 5 February, 1989 hemi first time blong Fiseri Dipatman i tekem step blong i putum man i ko long Magistrate Court from oli brekem LOA BLONG FISERI.

Fiseri Dipatman long Vila, i putum 15 man finis long Magistrate Court long fasen blong tekem mo salem; Under Size Naura, Under Size Grin Snel, Under Size Trokas mo Exportem; Trokas, Grin Snel mo Beche-de-Mer without permission blong Minister blong Fiseri. Olgeta 15 man ia i mekem Total Fain blong 442,000 Vatu.

Fiseri Dipatman long Santo, i putum 7 man finis long Magistrate Court long sem fasem blong tekem mo salem; Under Size Coconut Crab, Under Size Trokas, Under Size Grin Snel, Naura we i kat egg, Under Size Naura, Total Sel, mo Export without permission blong Minister blong Fiseri. Olgeta 7 man ia i mekem Total Fain blong 186,000 Vatu.

TOTAL FAIN WE FISERI DIPATMAN I KASEM STAT LONG 5 FEBRUARY, 1989 KAM KASEM 5 NOVEMBER, 1990 HEMI; 628,000 VATU.

Blong karem mo salem ol Marine Products ia hemi semak nomo sapos yu karem wan Masket, ko araon long everi haos mo sutum ded ol yangfala we yea blong olgeta i no kasem 20 yea yet. Everi yea yu mekem olsem bae after long 50 yea bae i nomo kat man i stap long Vanuatu.

Risen blong atikol ia hemi blong soem from wanem i gat nid blong aplaem wan loa long stok blong troka sel we i stap long Vanuatu

II LOA MO TROKA SEL

Sam fisaman i talem long mifala se "bifo, olgeta rif oli bin fulap long ol troka sel, evriwan oli stap lukaot troka sel long fasin we oli no tingting long wanem i kam bihaen. Oli faenem mo tekem ol troka sel long solwota we i no dip tumas".

Tedei namba blong olgeta troka sel ia i stap go daon oltaem. Vanuatu i gat tu kaen loa:

- * Kastom loa we i manejem ol stok blong ol prodak blong solwora tru long fasin blong putum ol tabu.
- * Loa blong gavman we i blokem fasin blong lukaotem troka sel we saes blong hem i no kasem 9 sentimeta.

Evri fisaman i mas luksave from wanem i gat ol loa.

Sipos, long wan vilej, oli kilim evri pikinini, bambae i no long taem, i nomo gat vilej from bambae i nomo gat ol yangfala blong karem ol pikinini blong mekem vilej i stap oltaem. Blong ol prodak blong solwora, yumi folem semfala stamba tingting, sipos oli kilim evri smol troka sel long wan rif, bambae rif ia i nomo gat troka sel kwik taem nomo.

Samtaem, namba blong ol fisaman o namba blong ol sel we wanwan fisaman i kasem i hae tumas. Nomata we gavman i putum loa, namba blong troka sel long rif i stap gohed blong go daon. Wanwan taem nomo ol fisaman oli save faenem ol bigfala troka sel we saes blong olgeta i kasem 12 mo 13 sentimeta. From hemia, jif blong vilej hemi putum wan kastom tabu samtaem blong blokem sel ia blong i no finis evriwan long solwora. Taem oli livim ol troka sel blong 2 o 3 yia, ol bigbigfalawan oli gat taem blong karem ol smolwan, we mbae oli gro mo nogat problem blong save stap bakegen long rif.

III SAMFALA ELEMEN BLONG BAELOJI BLONG LUKSAVE LOA

Troka sel hemi kasem fes pat blong maturiti blong save karem ol yangwan taem saes blong hem i kasem klosap 6 sentimeta. Ol stadi we oli bin mekem long Emae mo Efate i soem se taem ia hemi kasem klosap tu yia.

Blong kasem 9 sentimeta saes, hemi mas stap wan yia bakegen. So wan troka sel we saes blong hem i kasem 9 sentimeta hemi gat 3 yia.

So loa blong gavman hemi alaoem ol troka sel blong oli karem ol yangfalawan insaed long wan period blong wan yia befo ol fisaman i save kasem olgeta.

Ol bigfala troka sel i putum, klosap 500,000 go kasem 3,000,000 eg long solwora folem saes, laef mo bodi blong troka sel. Afta we yangfalawan i stat insaed long eg sel, smol yangala (lava) blong troka sel i stap gro insaed long wan sel. Afta long klosap tri dei, ol lava ia oli karem wan smol troka sel (foto namba 1). Hemi stap swim blong tri dei afta we hemi kamaot long eg sel mo afta long hemia, hemi mas go stap strong long wan rif (foto namba 2). Long trifala fes dei ia, oli stap folem ol taet mo wev blong solwora we i save tekem olgeta i go longwei long rif long ples we i gud long troka sel, long saed ia, bambae oli save ded. Long ol wan million ek we wan mama troka i save lego, kwantiti blong ol smol troka we i ded hemi important tumas, from we 1 o 2 smol troka nomo i laef afta wan manis.

So fasin blong no tekem ol troka sel we saes blong olgeta i smol bitim 9 sentimeta i alaowem ol troka sel we saes blong olgeta i stat long 6 i go kasem 9 sentimeta blong oli save karem ol yangfalawan mo mekem se oli save stap long rif blong long taem yet. No fogetem se blong mekem se ol troka sel i stap bakegen long rif mbae i tekem long taem, from wan bigfala troka sel i save produsum kasem wan smol troka sel nomo long wan yia.

IV GUDFALA SAMTING WE BAE I KAMAOT FOLEM WAN STADI BLONG IMPRUVUM FASIN BLONG MANEJEM STOK BLONG TROKA SEL

Seksen blong risej dipatmen blong fiseri long Port Vila i stap mekem wan stadi abaot laef blong Troka. Stadi ia bambae i save helpem yumi tumas long saet blong manejem gud ol Troka long rif blong yumi.

Stadi ia bambae i :

- * Helpem seksen blong risej blong faenem ol rif we ol fisaman oli daef tumas long hem mekem se i nomo gat Troka o klosap Troka i finis.
- * Helpem seksen blong risej blong traem faenem aot wanem saes we Troka i kasem bifo i save putum ek. Infomesen ia bambae i soem sapos hemi posipol blong adjastem minimam saes limit blong Troka sel.
- * Givim mo infomesen abaot speed we ol Troka sel oli gro long hem long ol difren rejen long Vanuatu.
- * Save helpem seksen blong risej blong faenem ol gudfala rif we tim blong risej i save putum ol pikinini blong Troka.

Man i mas save saes limit we troka sel i mas kasem bifo i save tekem blong salem. Sapos yumi no folem gud ol loa we i protektem laef blong ol marin animol long ol rif blong yumi bambae kaontri blong yumi i save lusum ol impoten mo iconomikel marin animol we oli stap givim Vatu long yumi.




Foto namba 1:

I soem wan troka sel afta we hemi kamaot long eg sel (tu dei afta we yangfalawan i stat insaed long eg sel).




Foto Namba 2:

I soem wan troka sel tri dei afta we hemi kamaot long eg sel, long taem blong go mo stap strong long rif.

Foto Namba 2:

I soem wan troka sel tri dei afta we hemi kamaot long eg sel, long taem blong go mo stap strong long rif.

Authors:

HENRY TAKAU - LOA ENFOCEMENT OFFICER

MOSES AMOS - FISHERIES BIOLOGIST

BRUNO MARCHANDISE - RESEARCH OFFICER